



Centro Integrado Gest3o De Crise Sala De Situa3o

KOMUNIKADU BA IMPRENSA

22 de Abril 2021, 17H00

(Dr Rui Maria de Araújo, Kordenador Forsa-Tarefa ba Prevensaun no Mitigasaun Surtu Covid-19 iha Timor-Leste, CIGC-SS)

Ohin, loron 22 fulan Abril 2021, hodi Centro Integrado Gest3o de Crises, Sala Situa3o (CIGC-SS) nia naran, hakarak hato'o ba jornalista, no ba p3bliku tomak, informasaun pur eskritu hanesan tuir mai:

I. DADUS JERAL BA TIMOR-LESTE TOMAK:

- 1) Total kazu konfirmadu kumulativu (sura husi 21 Marsu 2020): **1657**.
- 2) Kazu detetatu foun ne'ebé relata iha dia 22 Abril 2021: **148** (iha Dili 118, iha Munisipiu seluk 30).
 - Husi total kazu detetadu foun ohin: **mane 79, feto 69**.
 - Husi total kazu detetadu foun ohin: **asintomátiku 141 (95,2%), sintomátiku 7**.
 - Husi total kazu detetadu foun ohin, **62 (41,8%)** maka deteta tamba halo teste ho razaun atu halo viajen/ka halo ona viajen ba Munispiu hafoin deteta pozitivu. Maski nune'e, sira ne'ebé rezultadu teste pozitivu, maioria sira nia hela fatin, iha duni cluster sira ne'ebé iha kazu detetadu barak.
 - Husi total kazu detetadu foun ohin, **37 (25%)**
- 3) Kazu rekuperadu ne'ebé ralata ohin, dia 22 de Abril 2021: **35**.
- 4) Total kazu ativu ohin, dia 22 de Abril 2021: **862**.
- 5) Husi horiseik mai ohin, hamutuk hotu Laboratóriu Nasionál Saúde halo **1218 testes PCR**, ho detalles hanesan tuir mai:
 - a) Vijilánsia sentinela: **48**.
 - b) Rastrei ba kontaktu (Contact tracing): **130**.
 - c) Rastrei Aleatoriu (Random Screening): **362**.
 - d) Viajen sai husi serka sanitária Munisipiu Dili: **605**.
 - e) Viajen internasionál: **28**.
 - f) Follow up iha quarentena: **44**.

II. TABELA EVOLUSAUN SURTU COVID 19 IHA TIMOR-LESTE: HUSI 21 MARSU 2020 - 22 ABRIL 2021.

(Tuir klasifikasaun transmissaun OMS nian)

Nº	MUNISIPIU	TOTAL KUMULATIVU KAZU KONFIRMADU	TOTAL KAZU FOUN IHA 24 ORAS IKUS	TOTAL ÓBITU IHA 24 ORAS IKUS	TOTAL KUMULATIVU ÓBITU	KLASIFIKASAUN TRANSMISSAUN
1	AILEU	4	0	0	0	Kazu esporádiku
2	AINARO	15	0	0	0	Kazu esporádiku
3	BAUCAU	50	4	0	0	Kazu iha Cluster
4	BOBONARO	15	0	0	0	Kazu esporádiku
5	COVALIMA	52	0	0	0	Kazu iha Cluster
6	DILI	1406	118	1	3	Kazu iha Cluster
7	ERMERA	40	0	0	0	Kazu esporádiku
8	LAUTEM	4	0	0	0	Kazu esporádiku
9	LIQUIÇA	9	0	0	0	Kazu esporádiku
10	MANATUTO	5	0	0	0	Kazu esporádiku
11	MANUFAHI	39	26	0	0	Kazu esporádiku
12	RAEOA	5	0	0	0	Kazu esporádiku
13	VIQUEQUE	13	0	0	0	Kazu iha Cluster
	TOTAL	1657	148	0	2	

III. EVOLUSAUN SURTU COVID-19 IHA MUNISIPIU SIRA HO RAEOA

Evolusaun surtu Covid-19 iha Munisipiu sira ho mós RAEOA, bele haree iha tabela no dadus jerál iha leten.

IV. INFORMASAUN ADISIONÁL

1. Iha dia 22 de Abril de 2021, izolamentu Vera Cruz iha kazu detetadu nain 15. Iha área obstetrisia nain 3, medisina interna nain 9, pediatria 3.

- Sira nain 3 iha obstetrisia, kategoria moderadu hotu, sira nia kondisun estável.
- Sira nain 9 iha medisina interna, 2 grave, 7 moderadu. Nain 2 grave, 1 uza ventiladór, 1 uza CPAP (Continuous Positive Airway Pressure).
- Kazu 3 pediatria, 1 moderadu, nain 2 grave. Nain 2 grave uza CPAP, no ida moderadu uza oxijéniu ho kanula.

2. Informa mós katak ohin, iha Munisipiu Dili iha tán óbitu 1. Historia klinika pasiente nian maka hanesan tuir mai:

- Feto, idade 60 anos, konfirmadu pozitivu SARS-CoV-2 iha dia 19 de Abril de 2021, iha Emerjénsia HNGV, ho CT (cycle threshod): N2 gene 31,7; E gene 30,1.
- Matebian hela iha Lahane, Dili, ho istória isin-manas ho mear besik semana ida molok mai Emerjénsia HNGV, no mós istória tensaun-a'as, ho diabete ne'ebé la kontroladu.
- Diagnóze traballu iha Emerjénsia HNGV: *Acute Respiratoric Distress Syndrom* (Sindroma insufisiénsia respiratória aguda). Tamba mós pozitivu SARS-COV-2, kazu ne'e konsideradu COVID-19 kategoria grave, no ekipa konjunta saúde decide

enkamiña ba izolamentu Vera Cruz, hodi hahú tratamentu tuir protokolu médiku ne'ebé Timor-Leste adopta, inklui utiliza ventilasaun assistida liu husi CPAP (Continuous Positive Airway Pressure).

- Ohin 22 de Abril 2021, dadersan maizoumenus 08H25, paciente i'is kotu.
- Ninia rezultadu test PCR post-mortem: Pozitivu SARS-CoV-2 ho CT (Cycle Threshold) N2 Gene 33; E Gene 35.
- Familia matebian deside atu hakoi iha semitériu públiku Bekussi, no ekipa konjunta funeral nina, husi Ministério Saúde, MSSI ho MAE sei apoia tuir protokolu ne'ebé hala'o iha funeral ida iha semana kotuk, hodi nune'e bele minimiza risku atu mosu kontájiu virus husi matebian nia isin ba fali ema seluk.

V. APELU

1. Apela ba populasaun iha Dili laran no mós iha Munisipiu sira seluk, atu apresenta-an iha facilidade saúde públiku (Sentru Saúde ka Ospital) ne'ebé besik, wainhira sente isin-manas, ka kakorok moras, inus-ben, mear hodi bele hetan atendimentu husi profesionál saúde sira. Wainhira sedu liu hatene se virus ne'e kona ita ka la'e, di'ak liu, hodi nune'e bele hetan atendimentu sedu liu, no prevene tama ba iha situaun kritiku.
2. Apela ba jovem sira atu nafatin kuidadu-an, hodi la hetan da'et virus SARS-COV-2, husi ema ruma, wainhira la'o sai husi uma, hafoin da'et tutan ba ferik ho katuas sira iha uma-laran. Sira ne'ebé idade tinan 60 ba leten, no sira ne'ebé sofre ho moras seluk tan, vulnerável liu atu tama iha kategoria moderadu no grave, wainhira hetan da'et husi virus ne'e.
3. Ba populasaun iha Timor-Leste laran tomak, favor respeita nafatin regra prevensaun no ijiéne individual, ne'ebé Governu hatu'ur ona atu prevene moras Covid-19 da'et ba mai. Regra sira ne'e, hanesan ita hotu hatene ona, maka: (a) Uza mascara; (b) fase liman beibeik ho sabaun ka dezinfetante ruma; (c) evita kose liman ba matan, inus hoibun; (d) wainhira kumprimenta malu, la presiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-

RMA